

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI

KIKAO CHA SABA

07 FEBRUARI, 2018



ORODHA YA SHUGHULI ZA LEO

MKUTANO WA KUMI

KIKAO CHA SABA – TAREHE 07 FEBRUARI, 2018

I. DUA:

II. HATI ZA KUWASILISHA MEZANI:

WAZIRI WA FEDHA NA MIPANGO:

Muhtasari wa Tamko la Sera ya Fedha (Mapitio ya Nusu Mwaka 2017/18 [*Monetary Policy Statement (The Mid – Year Review 2017/2018)*].

MWENYEKITI WA KAMATI YA KUDUMU YA BUNGE YA HUDUMA NA MAENDELEO YA JAMII:

Taarifa ya Kamati ya Kudumu ya Bunge ya Huduma na Maendeleo ya Jamii kuhusu Shughuli za Kamati kwa mwaka 2017.

MWENYEKITI WA KAMATI YA KUDUMU YA BUNGE YA MASUALA YA UKIMWI:

Taarifa ya Kamati ya Kudumu ya Bunge ya Masuala ya UKIMWI kuhusu Shughuli za Kamati kwa mwaka 2017.

III. MASWALI:

OFISI YA RAIS (TAMISEMI):

84. MHESHIMIWA UPENDO FURAHA PENEZA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali imeweka mikakati gani ya kuimarisha huduma za umeme, maji, afya na elimu katika maeneo ya Vijijini ili kuongeza uzalishaji katika maeneo hayo na kuzuia wimbi la watu kukimbilia Mijini.

85. MHESHIMIWA ALLY SEIF UNGANDO (KIBITI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Maeneo ya Kibiti, Bungu, Karibu Mpakani na Nyamisati katika Jimbo la Kibiti yanakuwa kwa haraka sana na kuongezeka kwa shughuli za kibinadamu:-

(a) Je, Serikali ina mpango gani wa kupanga mipango Miji;

(b) Je, Serikali ina mpango gani wa kuweka mitandao na kuchonga barabara za mitaa.

86. MHESHIMIWA INNOCENT LUGHA BASHUNGWA (KARAGWE):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Karagwe ina Walimu ambao bado wanadai malimbikizo ya mishahara, Walimu hawa hupandishwa madaraja bila ya kurekebishiwa mishahara yao kitu ambacho kimekuwa ni kero kubwa kwa Walimu wa Karagwe na maeneo mengine nchini:-

- (a) Je, Serikali inawaambia nini Walimu hawa na imefikia wapi kutatua kero zao;
- (b) Je, Serikali imefikia wapi katika kuhakikisha *Teachers Service Commission (TSC)* inapata rasilimali watu na fedha ili iweze kutetea maslahi ya Walimu nchini.

WIZARA YA MALIASILI NA UTALII:

87. MHESHIMIWA MARGARETH SIMWANZA SITTA (URAMBO):

Atamuuliza Mheshimiwa Waziri wa Maliasili na Utalii:- Kumekuwa na mgogoro wa mipaka katika Pori la Hifadhi ya North Ugala Wilayani Urambo Kata ya Nsenda, Kijiji cha Kangome, Kitongoji cha Lunyeta. Mgogoro huo umesababishwa na mipaka mipya iliyowekwa na hivyo kusababisha upungufu wa eneo la shughuli za Kilimo na Ufugaji:-

- (a) Je, Serikali inafahamu uwepo wa mipaka ya zamani ambayo haikuzingatiwa wakati wa kuweka mipaka mipya;
- (b) Je, ni lini Serikali itamaliza mgogoro wa mipaka ili Wananchi wapate eneo la kutosha kwa ajili ya Kilimo na Ufugaji.

WIZARA YA UJENZI, UCHUKUZI NA MAWASILIANO:

**88. MHESHIMIWA CATHERINE VALENTINE
MAGIGE (VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali ilishatoa ahadi ya kujenga barabara ya Mto wa Mbu hadi Loliondo kwa kiwango cha lami:-

Je, mchakato wa mradi huo umefikia hatua gani na ujenzi wake utaanza lini.

WIZARA YA MAMBO YA NDANI YA NCHI:

**89. MHESHIMIWA PHILIPO AUGUSTINO MULUGO
(SONGWE):**

Atamuuliza Mheshimiwa Waziri wa Mambo ya Ndani ya Nchi:- Wananchi wa Jimbo la Songwe kwa michango yao wenyewe wamejenga jengo kubwa kwa ajili ya Kituo cha Polisi katika Kata ya

Mpona tangu mwaka 2014 ili kupambana na majambazi wanaovamia Wananchi hasa wakati wa mavuno ya zao la ufuta:-

Je, ni lini Serikali itasaidia kumalizia jengo hilo na kupeleka Askari Polisi ili Kituo hicho kianze kutoa huduma.

90. MHESHIMIWA JOSEPH ROMAN SELASINI (ROMBO):

Atamuuliza Mheshimiwa Waziri wa Mambo ya Ndani ya Nchi:- Wananchi wa Kata za Mahinda, Ngoyoni, Mengwe na Kirongo – Samanga walifanya uamuzi wa kujenga Vituo vya Polisi kwa nguvu zao na Vituo hivyo vimefikia hatua mbalimbali za ujenzi, lakini kutokana na kuwepo na shughuli nyingine zinazohitaji michango ya Wananchi kama vile ujenzi wa Vituo vya Afya, Zahanati na Maabara wameshindwa kumalizia Vituo hivyo:-

Je, Serikali iko tayari kuchukua hatua za kumalizia ujenzi wa Vituo hivyo kama njia ya kuwatia moyo Wananchi.

WIZARA YA ARDHI, NYUMBA NA MAENDELEO YA MAKAZI:

91. MHESHIMIWA JULIUS KALANGA LAIZER (MONDULI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Hivi karibuni Serikali ilitoa maelekezo kwa Wakuu wa Mikoa kusimamia urejeshwaji wa mashamba makubwa ambayo hayakuendelezwa yakiwemo ya Wilaya ya Monduli:-

Je, ni lini Serikali itakamilisha mchakato wa kufuta mashamba 25 katika Kata za Lokisule, Naalarami Lemoot na Meserani Wilaya ya Monduli ambayo mchakato wake kwa ngazi ya Halmashauri umekamilika.

92. MHESHIMIWA BALOZI ADADI MOHAMED RAJAB (MUHEZA):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Wilaya ya Muheza imetenga eneo sehemu ya Chatoto kwa ajili ya Ujenzi wa Nyumba za NHC za bei nafuu na baadaye kuuziwa Wananchi na NHC walishalipia eneo hilo:-

Je, ni lini ujenzi huo utanza.

WAZIRI WA VIWANDA, BIASHARA NA UWEKEZAJI:

**93. MHESHIMIWA JACQUELINE NGONYANI
MSONGOZI (VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:-

- (a) Je, Serikali ina mpango gani wa kufufua Kiwanda cha Tumbaku cha SONAMCU kilichopo Songea Mjini;
- (b) Je, Serikali ipo tayari kuwaongezea gawio la uzalishaji wa Tumbaku Wananchi wa Wilaya ya Namtumbo.

**94. MHESHIMIWA KHADIJA NASSIR ALI
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Kila mwaka Tanzania inaagiza tani laki nne za mafuta ya kula kutoka nje wakati tuna malighafi za kutosha kama vile alizeti, ufuta n.k. kwa ajili ya kuzalisha mafuta hayo:-

Je, Serikali haioni haja ya kuchukua hatua za makusudi za kutumia malighafi hizo ipasavyo na kuokoa fedha hizo za kigeni zinazopotea nchini.

95. MHESHIMIWA ANGELINA ADAM MALEMBEKA (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:-

- (a) Je, ni lini Serikali itajenga Viwanda kwa ajili ya malighafi ya Karafuu;
- (b) Je, Serikali haioni kuwa kwa kujenga Viwanda hivyo hapa nchini itapunguza kusafirisha Karafuu nje ya nchi kinyume na utaratibu.

WIZARA YA MAMBO YA NJE NA USHIRIKIANO WA AFRIKA MASHARIKI:

96. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Ibara ya 89 hadi 101 ya Mkataba ulioanzisha Jumuiya ya Afrika Mashariki inazitaka nchi wanachama wa Afrika Mashariki kubadilishana taarifa (*Exchange of information on technological development and research findings*):-

- (a) Je, ni taarifa zipi za kiutafiti ambazo Nchi za Jumuiya ya Afrika Mashariki zimeshirikiana;

(b) Je, ni taarifa zipi za Sekta ya Kilimo na Mifugo ambazo nchi zetu hizi zimeshirikiana;

(c) Je, ni Watumishi wangapi waandamizi kutoka Tanzania ambao wamepata ajira katika Jumuiya ya Afrika Mashariki.

WIZARA YA MAJI NA UMWAGILIAJI:

97. MHESHIMIWA ZUBER MOHAMED KUCHAUKA (LIWALE):

Atamuuliza Mheshimiwa Waziri wa Maji na Umwagiliaji:- Wilaya ya Liwale ina miradi mikubwa miwili ya umwagiliaji mradi wa Ngongowele na Mtawango, lakini mradi wa Ngongowele umesimama kwa muda mrefu sasa:-

(a) Je, ni nini hatma ya mradi huo wa Ngongowele kwa sasa;

(b) Je, Serikali iko tayari kumpeleka Mkaguzi wa Hesabu za Serikali ili kukagua mradi huo ambao unaonekana kuhujumiwa kwa muda mrefu.

**98. MHESHIMIWA DANIEL EDWARD MTUKA
(MANYONI MASHARIKI):**

Atamuuliza Mheshimiwa Waziri wa Maji na Umwagiliaji:- Bwawa linalotarajiwa kuchimbwa katika Kijiji cha Mbwasu, Tarafa ya Kintinku ni la kimkakati kwa wakazi wa Tarafa nzima ya Kintinku:-

Je, ni lini Serikali itaanza rasmi ujenzi wa bwawa hilo baada ya upembuzi yakinifu na usanifu wa kina kukamilika.

IV. HOJA ZA KAMATI:

**MWENYEKITI WA KAMATI YA KUDUMU YA BUNGE
YA HUDUMA NA MAENDELEO YA JAMII:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Huduma na Maendeleo ya Jamii kuhusu Shughuli za Kamati kwa Mwaka 2017.

**MWENYEKITI WA KAMATI YA KUDUMU YA BUNGE
YA MASUALA YA UKIMWI:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Masuala ya UKIMWI kuhusu Shughuli za Kamati kwa Mwaka 2017.

V. HOJA BINAFSI ZA WABUNGE:

MHESHIMIWA SULEIMAN MASOUD NCHAMBI

Kwamba, Bunge sasa lipokee, kujadili na kukubali Hoja Binafsi kuhusu Uzalishaji na Ununuzi wa Zao la Pamba Nchini.

**DODOMA
07 FEBRUARI, 2018**

**S.N. KAGAIGAI
KATIBU WA BUNGE**

